

楚

寶

楚寶卷五

明 梁谿高世泰彙編父鑒定

湘潭後學周聖楷輯纂

同邑謝 審較訂

名臣

許國師

許國師許紹之次子也。有器幹。研涉藝文。擢進士第。累遷給事中。黃門侍郎。同中書門下三品。龍朔中。爲左相。高宗自書詔賜遠東諸將。謂許敬宗曰。國師愛

書可示之。俄坐其子獵犯人田，有辭怒而射之。園師掩不奏，爲人所撓。帝讓曰：「宰相而暴百姓，非作威福乎？」園師謝，且言作威福者，彊兵重鎮，慢天子法。臣文吏，何敢然。帝曰：「嫌無兵邪？」敬宗因是劾奏，遂免官。久之，爲虔州刺史，稍遷相州，專以寬治。州人刻石頌美，部有受賕者，園師不忍按，但賜清白箴。其人自愧，後修飾更爲廉士。進戶部尚書卒，贈幽州都督，謚曰簡，陪塋恭陵。

聖楷曰：唐紀云，左相許園師之子自然爲奉輦直。

袞遊獵犯人田。田主怒。自然以鳴鏑射之。圉師杖自然一百。而不以聞。田主詣司憲訟之。司憲大夫楊德裔不爲治。西臺舍人袁公瑜遣人易姓名上封事告之云云。今本傳俱不載。當是許敬宗修實錄時。削去耳。然以宰相之孫射人。旣杖一百。使復具奏引罪。則攻訐之輩。何所行哉。惜乎圉師見不及此。

唐高宗書法考

唐朝叙書錄曰。龍朔二年四月上。自爲書與遼東。

諸將謂許敬宗曰許圜師常自愛書可於朝堂開
示圜師見甚驚喜私謂朝官曰圜師見古跡多矣
魏晉以後唯稱二王然逸少多力而少妍子敬多
妍而少力今觀聖跡兼絕二王風猶覺迴實古今
書聖也聖楷按寶泉述書賦自高祖太宗以至武
后皆有佳評而獨不及高宗豈銀鈎鐵畫亦爲金
輪氣焰所奪耶可發一嘆

岑文本

岑文本字景仁其先鄧州棘陽人祖善方後梁吏部
尚書徙家江陵父之象仕隋爲邯鄲令坐爲人訟不
得申文本年十四詣司隸理寃辯對哀暢無所謂衆
屬目命作蓮華賦文成合臺嗟賞遂得直性沈敏有
姿儀善文辭多所贊綜擢舉秀才不應蕭銑僭號召
爲中書侍郎主文記河間王孝恭平荊州其下欲掠
寇文本說孝恭曰自隋無道四海救死于頸以望真
主蕭氏君臣決策歸命者意欲去危就安大王誠縱

兵剽係恐江嶺以南向化心沮狼顧腐驚不如厚撫
荊州勸未附陳天子厚惠誰非王人孝恭善之遽下
令止侵畧署署文本別駕從擊輔公祏誅典檄符進署
行臺考功郎中貞觀元年除秘書郎兼直中書省太
宗既籍田文元日朝羣臣文本奏籍田三元頌二篇
文致華贍李靖復薦于帝擢中書舍人時顏師古爲
侍郎自武德以來詔誥或大事皆所草定及得文本
號善職而敏速過之或策令叢遽勅吏六七十人泚筆
待分口占授成無遺意師古以譴罷溫彥博爲請帝

曰師古練時事長於文誥人少進者幸得復用帝曰朕自舉一人公毋憂乃授文本侍郎專典機要封江陵縣子。是時魏王泰有寵修第舍冠諸王文本上疏勸崇節儉陳嫡庶分宜有抑損帝善之賜帛三百段踰年爲令從伐遼東事一委倚至糧漕最目甲兵凡要料配差序籌不廢手由是神用頓耗容止不當帝憂曰文本今與我同行恐不與同返矣至幽州暴病帝臨視流涕卒年五十一是夕帝聞夜嚴曰文本死所不忍聞命罷之贈侍中廣州都督謚曰憲陪塋昭

陶始文本貴常自以典孤生居處卑室無茵褥幃帟事以孝顯撫躬倒篤恩義生平故人雖羈賤必鈞禮帝每稱其忠謹嘗親之信之晉王爲皇太子大臣多兼宮官帝欲文本兼攝辭曰臣守一職猶懼其盈不願希恩東宮請一心以事陛下帝乃止但詔五日一參東宮每進見太子答拜始爲中書令有憂色母問之答曰非勳非舊責重位高所以憂也有來慶者輒曰今日受弔不受賀或勸其營產業文本歎曰吾漢南一布衣徒步入關所望不過祕書郎縣令耳今

無汗馬勞以文墨位宰相奉稍已重尙何殖產業耶故口未嘗言家事既任職久資錫豐饒皆令弟文昭至之文昭任校書郎多交輕薄帝嘗謂文本曰卿弟多過朕將出之文本曰臣少孤母所鍾念者弟也。不欲離左右今若外出必憂無此弟是無老母也。泣下嗚咽帝愍其意召文昭讓救卒無過。

唐紀曰侯君集之破高昌也私取其珍寶將士知之競爲盜竊君集不能禁爲有司所劾詔下君集等獄中書侍郎岑文本上疏以爲高昌昏迷陛下

命君集等討而克之不踰旬日並付大理雖君集等自掛網羅恐海內之人疑陛下唯錄其過而遺其功也臣聞命將出師至於克敵苟能克敵雖貪可賞若其敗績雖廉可誅是以漢之李廣利陳湯晉之王浚隋之韓擒虎皆負罪譴人主以其有功咸受封賞由是觀之將率之臣廉慎者寡貪求者衆是以黃石公軍勢曰使智使勇使貪使愚故智者樂立其功勇者好行其志貪者急趨其利愚者不計其死伏願錄其微勞忘其大過使君集重升

朝列後備驅馳雖非清貞之臣猶得貪愚之將斯則陛下雖屈法而德彌顯君集等雖蒙宥而過更彰矣上乃釋之聖楷按此疏甚得用人要着兼本傳不載諸疏特爲存錄

冥報記曰唐中書令岑文本江陵人少信佛常念誦法華經普門品曾乘船於吳江中船壞人盡死文本沒在水中聞有人言但念佛必不死也如是三言之既而隨波湧出已著北岸遂免死後於江陵設齋僧徒集其家有一客僧獨後去謂文本曰

天下方亂。幸不預其災。終逢太平。致富貴也。言
畢。趨出。遂不見。旣而文本食齋於自食。椀中得舍
利二枚。後果如其言。文本自語人云。

李師

李師字子玄，延唐人。

師，今寧遠縣，宋初改名，隸道州。

唐太和二年

舉進士第一。時昌平劉資對策，議切時政，指斥宦官、考官馮宿等，見資對，嗟伏，以爲過古。邕勸而畏中官，毗睚不敢取士。人讀其辭，至感慄流涕者。諫官御史交章論其直，於時被選者二十有三人，所言皆允。觀常務類得優調，師以河南府參軍入試，曰：「資逐我，留吾顏其厚邪？」乃上疏曰：「陛下御正殿，求直言，使人得自奮，臣才志懦劣，不能質今古是非，使陛下聞未聞。」

之言○行○未○行○之○事○忽○忽○內○思○愧○垂○神○明○今○資○所○對○敢○
空○臆○盡○言○至○皇○王○之○成○敗○陛○下○所○防○閑○時○政○之○安○危○
不○私○所○料○又○引○春○秋○爲○據○漢○魏○以○來○無○與○資○比○有○司○
以○言○涉○評○忤○不○敢○聞○自○詔○書○下○萬○口○籍○籍○歎○其○誠○鯁○
至○於○垂○涕○謂○資○指○切○左○右○畏○近○臣○銜○怒○變○典○非○常○朝○
野○惴○息○誠○恐○忠○良○道○窮○綱○紀○遂○絕○季○漢○之○亂○復○興○於○
令○以○陛○下○仁○聖○近○臣○故○無○害○忠○良○之○謀○以○宗○廟○威○嚴○
近○臣○故○無○速○敗○亡○之○禍○指○事○取○驗○何○懼○直○言○且○陛○下○
以○直○言○召○天○下○士○資○以○直○言○副○陛○下○所○問○雖○評○必○容○

雖過當獎書於史策千古光明使萬有一節不幸死
天下必曰陛下陰殺讜直結讎海內忠義之士皆憚
誅夷人心一搖無以自解况臣所對不及贊遠甚內
懷愧恥自謂賢良奈人言何乞回臣所授以旌資直
臣逃苟且之慙朝有公正之路陛下免天下之疑顧
不美哉帝不納卻後歷賀州刺史

廣西名勝志曰李卻爲賀州刺史習意吏事甚得
人心州有甌山高千餘丈舊名幽山卻更名曰丹
甌賀人愛之至改丹甌爲瑞雲以永其思

聖楷曰劉蕡字去華南州昌平人對策後七年有
甘露之難令狐楚牛僧孺皆表蕡幕府授祕書郎
以師禮禮之而宦人深嫉蕡誣以罪貶柳州司戶
參軍卒及昭宗誅韓全誨等左拾遺羅衮訟蕡冤
贈諫議大夫飭子孫授以官嗟乎由是觀之科名
重人乎抑人重科名乎予玄此疏當與去華對策
並傳天壤今道州寧遠縣有狀元李邵墓

李郝

李郝字建侯北海太守邕之從孫第進士又以書判
高等補秘書省正字李懷光辟致幕府擢累監察御
史懷光反河中郝與母妻陷焉因紿懷光以兄病臥
洛且華母欲往視懷光許可戒妻子無偕行郝私遣
之懷光怒欲加罪謝曰郝籍在軍不得爲母駕奈何
不使婦往懷光止不問後與高郢刺賊盧瑋及所以
攻取者白諸朝德宗手詔褒荅懷光覺嚴兵召二人
問之郝詞氣不撓三軍爲感動懷光不殺囚之河中

平馬燧破械致禮表佐其府以言不用罷黜洛中召
爲吏部員外郎徐州張建封卒兵亂囚監軍迫建封
子愔主軍務帝以愔剛敢拜宣尉使持節直入其軍
大會士諭以禍福出監軍獄中脫桎梏使復位衆不
敢動愔卽上表謝罪稱兵馬留後鄆曰非詔命安得
輒稱之削去乃受旣還稱旨遷郎中順宗時進御史
中丞憲宗立爲京兆尹進尙書右丞元和初京師多
盜賊復拜京兆以檢校禮部尙書爲鳳翔隴右節度
使是鎮常兼神策行營前此用武將始受詔卽詣軍

修謁邠以爲不可詔爲去神策行營號俄徙河東入
爲刑部尚書諸道鹽鐵轉運使拜淮南節度使王師
討蔡方急李師道謀撓沮之邠以兵二萬分壁邠境
貲餉不仰有司是時兵興天子憂財乏使程忌馳驛
江淮諷諸道輸貨助軍邠素富強卽籍府庫留一歲
儲餘盡納於朝諸道由是悉索以獻繫邠倡之徒是
吐突承璀爲監軍貴寵甚邠以剛嚴治相禮憚稍厚
善承璀歸數稱薦之召拜門下侍郎同中書門下平
章事邠不喜由宦倖進及出祖樂作泣下謂諸將曰

吾老安外鎮宰相豈吾任乎。至京師不肯視事引疾。固辭改戶部尚書俄檢校尚書左僕射兼太子賓客分司東都以太子少傅致仕。卒贈太子太保諡曰肅。鄜疆直無私與楊愬穆質許孟容王仲舒友善皆以氣自任而鄜當官以峭法操下所至稱治猛決少恩在淮南七年其生殺禽擿多委軍吏而參佐束手不得與人往往陷非法議者亦以此少之。

折宗元石表陰先友記曰李鄜江夏人果檢自負疑然善爲官爲御史中丞京兆尹鳳翔節度。

聖楷按。顏子拭。仕至河東。鳳翔節度使。以秘書監
卒。拭子礪。字景望。大中末。擢進士。累遷戶部郎中。
分司東都。黃巢陷洛。礪挾尚書入。印走河陽。時留
守劉允章爲賊脅。遣人就礪索印。拒不與。允章悟。
亦不臣賊。入爲中書舍人。翰林學士。礪好學。家有
書至萬卷。世號李書樓。所著文章及註解諸書傳
甚多。子沆。字東濟。亦有俊才。

周塤

周塤字德升其先汝南人自襄成侯霸超徙居黃岡塤其六世孫也少孤事母孝及進士第辟湖南團練府巡官入爲監察御史集賢殿學士長史學屬辭高古文宗雅重之李宗閔鎮山南表行軍司馬閔歲召還太和末訓注亂政以黨語汙縉紳有名士紛逐之獨塤雖嘗爲宗閔所禮不能以罪誣也遷起居舍人改考功員外郎兼舍人事帝御紫宸與宰相語事已或召左右史資質所疑塤最爲天子欽矚能知制誥

入翰林爲學士、武宗卽位、以疾、改工部侍郎、出爲華
州刺史、徙江西觀察使、劾舉部刺史、翦捕劇賊、出兵
成、彭蠡湖、禁止剽劫、進拜義成節度使、封汝南縣男、
宿將暴營、不循令者、墀命鞭其背、一軍大治、以兵部
侍郎召判度支、進同中書門下平章事、遷中書侍郎、
建言、故宰相德裕、重定元和實錄、竄寄它事、以廣父
功、凡人君尙不改史、取必信也、遂削新書、河東節度
使王宰、重賂權幸、求同平章事、領宣武、墀言、天下大
鎮、如并汴者、纔幾宰之求、何可厭、宣宗納之、駮馬都

尉韋讓求爲京兆持不與。繇是安進者少。衰會吐蕃微弱以三州七關自歸。帝召宰相議河湟事。墀對不合。旨罷爲劍南東川節度使。駙馬都尉鄭顥言于帝曰。世謂墀以直言相。亦以直言免。帝悟。加拜檢校尚書右僕射。卒。年五十九。贈司徒。

聖楷按墀初爲義成節度使。辟韋澳爲判官。及爲相。謂澳曰。何以相助。澳曰。願相公無權。墀愕然。澳曰。爵祿刑賞與天下共。其可否。勿以已之愛憎喜怒移之。天下自理。何權之有。墀深然之。又宣宗嘗

與宰相論元和循吏孰爲第一周鼎曰臣嘗奉職
江西間觀察使韋丹功德被於八州沒四十年老
穉歌思如丹尙存於是詔史館修撰杜牧撰丹遺
愛碑仍擢其子宙爲御史此二事皆佳不知宋子
京何以不採入本傳

胥偃

胥偃字安道，長沙人。少力學，河東柳開見其所爲文，曰：異日必得名天下。舉進士甲科，授大理評事。已再遷太常丞，知開封縣，與御史高升試府進士。旣封彌卷首，輒發視，擇有名者居上，降秘書省著作佐郎監光化軍酒，起通判鄧州。復太常丞，後累遷入翰林爲學士，權知開封府。府忻州地震，偃以爲地震陰之盛，今朝廷政令不專，上出後宮，外戚恩澤日蕃，此陽不勝陰之證也。宜選將練師以防遯塞。趙元昊朝貢不

至○偃○曰○遽○討○之○大○暴○宐○遣○使○問○其○不○臣○狀○待○其○辭○出○而○後○加○兵○則○不○直○在○彼○而○王○師○之○出○有○名○矣○又○奏○戍○兵○代○還○宐○如○祖○宗○制○閱○其○藝○後○殿○次○進○之○會○有○衛○卒○賂○庫○吏○求○揀○冬○衣○坐○繫○者○三○十○餘○人○時○八○月○霜○雪○暴○至○偃○推○洪○範○急○恒○寒○苦○之○咎○請○從○末○裁○奏○可○西○塞○用○兵○士○卒○妻○子○留○京○師○者○犯○法○當○死○帝○不○忍○用○刑○或○欲○以○毒○置○飲○食○中○令○得○善○死○偃○極○言○其○不○可○帝○亦○悔○而○止○宦○人○程○智○誠○與○三○班○使○臣○馮○文○顯○八○人○抵○罪○帝○使○赦○智○誠○三○人○而○文○顯○五○人○坐○如○法○偃○曰○恤○近○責○遠○非○

政也。况同罪異罰乎。詔并釋之。未幾卒。偃未仕時。家有良田數十頃。既貴。悉以予族人。初天下職田無日月限。而赴官者多以前後爲斷。偃水陸田各限以月。因著爲令。常與謝絳受試中書吏。而大臣有以簡屬偃者。偃不敢發視。函焚之。歐陽修始見偃。偃愛其文。召置門下。妻以女。偃糾察刑獄。范仲淹尹京。偃數糾其立異不循法者。修方善仲淹。因與偃有隙。聖楷曰。胥偃以文章取高第。以清節爲時名。臣宋史傳之。歐陽修志之。而長沙志不能詳其事。深可

楚寶

八

歎也。其子胥元衡字平叔亦進士工爲文詞謹與
廉潔居官雖小必慎在紫院二庫有能名卒年三
十九子茂謚太廟室長亦蚤卒曾鞏志其墓元衡
母直史館幼紉之妹也娶韓氏封成安縣君暨茂
諡婦謝氏皆寡居丹陽閨門有法江淮人至今稱
之。

吳擇仁

吳擇仁字智夫以父任爲開封雍丘主簿元祐中金
水河堤壞十六縣皆選屬庀役得詣朝堂白事宰相
范純仁獨異之曰簿乃有是人耶建中靖國初畿內
饑多盜以擇仁知大康縣始至召令賊曹曰民窮而
盜非天性也我以靜鎮之若必命椎埋故犯誅之毋
貸羣盜相戒不入境中貴人譚積奴犯法按致于理
積恚造謗徽宗召戶部郎中宋喬年往鞠喬年伉吏
也疾驅至候者皇遽入自擇仁著衣冠坐廡下喬年

慮因摘隱剔決帑庾出入不能得毫毛罪乃歸傳舍
擇仁上謁喬年迎笑曰所以來爲察君罪顧乃得一
奇士吾今薦君矣居數日召諸闕方有事青唐擢熙
河路轉運判官卽以直秘閣爲副使從招討使王厚
領兵深入克蘭廓城柵十三加龍圖進集賢殿修撰
爲京畿都轉運使鄭州城惡受命更築之或譏於帝
曰新城雜以沙土反不如故且速圯帝怒密遣取塊
城上緘以來令衛卒三投監綴之如削鐵譏不能售
遂拜戶部侍郎兼知開封府故事尹以三日聽訟右

曾吏十輩列庭下，自占姓名云：某送某獄，某去而升，
無所可否，有竇鑑者，以捕盜襲官，諸司使服金帶，擗
仁視事，徂舊態來前叱而械諸獄，一府大驚。賣珠人
居，民貨久不返，度事急，匿宦官楊翽第，擇仁跡取之。
竄於遠戍，中以事出，爲顯謨閣直學士，知熙州。後再
起知青州，不克拜卒。

聖楷曰：宋喬年，宰相庠之孫也。用父蔭監市易，坐
與娼女私及私役吏失官，落魄二十年。女嫁蔡京，
子攸京當國，始復起用其人，固無足數。惟按吳樞

仁一事。差不媿元獻公。後而楚紀編之。稽謀可刪。
不倫甚矣。且喬年原非楚人。楚紀如此。類皆可刪。

唐義問

唐義問字士宣善文詞試禮部再試秘閣父介引嫌罷之熙寧中辟京西轉運司管勾文字神宗覽本道章奏知義問所爲以其名訪輔臣因黃好謙領使事諭之曰唐義問風力強敏行且用矣可面詔之尋以爲司農管當公事方行手實法所在騷然義問言今造簿甫二歲民不堪命不空復改嘗從曾孝寬使河東還奏事記利害綱目於笏帝取而熟視之歷舉以問應析如流帝喜曰欲見卿非今日也擢湖南轉運

判官一路救免役錢。又分戶五等儲其羨爲別賦。號家力錢。義問奏除之。移使京西。文彥博守西都。義問求罷。彥博告以再入相時當薦其父。晚同爲執政。相得甚驩。故義問乃止。時陝西舉兵多亡卒。所至成聚。義問請命詣官自陳。給券續食。人以爲便。會有不悅之者。免歸。元祐中起知齊州。提點京東刑獄。河北轉運副使。屬邑尉因捕盜候遺火。盜逸去。民家被焚。訟尉故縱火。提守執尉。抑使服。義問辨出之。方旱而雨。用彥博薦加集賢修撰。帥荆南。請廢渠陽諸砦。蠻楊

屬秀斷之以叛。卽拜湖北轉運使。討降之。後者爲州。
進直龍圖閣。以集賢殿修撰知廣州。章惇秉政治。棄
渠陽。貶舒州團練副使。後七年。復故官。知潁州府。卒。
聖楷曰。史稱介之子淑。問難進。義問強敏。介之孫
恕。高行。不墮家聲。有足美云。子謂淑。問之難進。爲
其敢言有父風也。義問之強敏。爲其文章通時務。
也。恕之高行。爲其甘貧不樂仕進也。皆人稱虛懷。
慎。三世清節。不易若介。家世展也。無愧。因各以其
美著焉。

渠陽考

按宋渠陽砦卽今靖州。楚兵防志云靖州據辰沅之上流爲重湖保障南服要區與蠻獠相犬牙。夷人○族○種○蟠○踞○溪○峒○道○路○阻○絕○中○國○之○兵○入○踐○其○地○不○能○戔○驅○且○其○境○與○宜○州○羣○苗○相○接○勢○成○犄○角○表裏爲患。是以宋人議棄渠陽亦爲其不便攻守也。聖楷按蘇軾有論渠陽劄子甚詳其制馭之策。我國朝卒平其地爲貢賦之域然則荒徼蠻左何必不爲我用是在設險防危貴得其人耳。

張問

張問字昌言襄陽人也宋進士起家通判大名府羣
牧地在魏歲久冒入於民有司按舊籍括之地數易
至吏苟趣辦持詔書奪田至毀室廬發丘墓問至曰
是豈朝廷意耶具上以聞仁宗諭大臣曰吏用心悉
如問何患赤子弗安也立擢之擢提點河北刑獄大
河決議築小吳問言曹村小吳南北相直而曹村當
水衝賴小吳隄薄水溢北出故南隄無患若築小吳
則左疆而右傷南岸且決水並京畿爲害獨可於孫

陳兩廛間起隄以備之耳。詔付水官議久不決。小吳卒潰。從江東淮南轉運使加直集賢院戶部判官所部地震。河再決。議者欲調京東民二十萬自漕築隄。抵乾寧間。言隄未能爲益。災傷之餘。力役勞民。非計也。神宗從之。間十年不奏考課。詔特選其官入爲度支副使。拜集賢殿修撰。河東轉運使坐誤軍需貶知光化軍。未幾復使河北。諸爲公權之亂。起縣株蔓連逮至數百千人。問上疏申理。止誅首惡。熙寧末。知滄州。自新法行。問獨不阿。時好歲饑。爲帝言。民免常平。

助役之苦，反以得流亡爲幸。語切直，驚人。元豐定官制，王安石禮薦，問可任。六曹侍郎帝以其好異論，不用。歷知河陽、潞州。元祐初，爲秘書監給事中，累官正議大夫。卒，年七十五。問處已廉潔，嘗仕鄜延幕府，與科世衡善。父喪，遺汝州田十頃，辭弗受。使歸未至而世衡卒，其子古用父治命，亦不納田。蕪穢者三十年。後汝守請以給學，朝廷命反諸种氏。熙寧時，有陳舜俞樂京、劉蒙亦以役法廢黜。

聖楷曰：宋史爲青苗法始行，滿朝大臣盡力爭之。

而不能止。往往多自引去。及數年之後。憲令既成。天下亦莫如之何已。而問守遠。能懇懇爲民。有言。舜命京。黎俱以區區一縣令。力抗部使者。視棄其官。如敝屣。類非畏威懷祿者。能之甚矣。宋史之陋也。牧民之選。父母之戴。惟守令職。不易副。而謂縣令不當與部使者抗。有是理哉。國朝劉忠宣公大夏。嘗謂人。否。做秀才時。見府縣政事。不得其平。輒曰。使我做時某事。當如何。行某事。當如何。罷。今幸登朝。不得一親民官。非素志也。又章楓山。

懋亦以當時不得做臨武知縣爲恨。意由二公親之。部使者豈能尊於縣令哉。

熙寧地震考

通考曰：宋神宗熙寧元年七月甲申地震。乙酉辛卯再震。八月壬寅甲辰又震。是月鄆州須城、東阿、二縣地震。終日。滄州清池、莫州亦震。壞官私廬舍。城壁是時河北復大震。或數刻不止。有聲如雷。樓櫓民居多摧覆。壓死者甚衆。九月戊子莫州地震。有聲如雷。十一月乙未京師及莫州地震。十二月

癸卯瀛州地大震丁巳冀州地震辛酉滄州地震
涌出沙泥船板胡桃螺蚌甲之屬是月湖州地再
震是歲數路地震有一日十數震有踰半年震不
止者聖楷按京房易傳曰臣事雖正專必震是時
神宗卽位之初用人求治高王安石首爲變法兵
役民勞禍流後裔故紀元而日食于上秋冬而地
震于下豈偶然哉先儒以爲由此而上則爲英宗
仁宗真宗太宗太祖由此而下則爲哲宗徽宗欽
宗以至於南渡乃有宋一代升降之會也

譚世勛

譚世勛字彥成潭州長沙人舉進士教授郴州時王氏學盛行世勛雅不喜或問之曰說多屢變非不易之論置其書不觀又中詞學兼茂科除秘書省正字時相蔡京子攸領書局同舍郎多翕附以取貴仕世勛獨坐直廡繕書竟日梁師成之客與爲隣居數致師成願交意謝不答在館六年不遷京罷用久次爲司門員外郎又三年遷吏部京復相嫌不附已罷點太平宮久之復還吏部俸臣妄引恩澤任子持不與

吏白有某例世勛曰豈當以暫例破成法而取中書行之進少府監擢中書舍人以謹命令惜名器廣言路吝賜與正上供省浮費六事言于上文爲常路所疾以徽猷閣侍制知婺州未行復留之徽宗禪位素幸且還使與李熙靖副執政奉迎同至管龍德宮請辯正宣仁國史之謗述欽聖遺旨以復瑤華大享神祖仍用富弼脩食釋奠先聖不當以王安石配後皆施行秋七月其出東方大臣或謂此四夷將衰之兆世勛面奏垂象可畏當修德以應天不妄惑諛說進

給事中兼侍讀內侍喧爭殿門詔以贖論世勸駁其
不恭因言童貫小惡不懲馴至大患疏入同類側目
何鼎建議分外罷爲四道置都總管事得額未世勸
言裂天下以付四人而王幾所治者纔十六縣獨無
尾大不掉之慮乎鼎不樂改禮部侍郎金駢南下世
勸言守邊爲上策今邊不得守守河則京畿自固中
策也巡幸江淮會東南兵以捍敵下策也金人旣渡
河又請遣大將蔡元以所部京畿保甲分護國門使
兵勢連屬首尾相援孫傳深然之又格于鼎議再扞

車駕至金師帳下、文以十害說其用事、言講解之利、
詞意忠激、金人聳聽、張邦昌僭國、命與李熙靖同直
學士院、皆稱疾臥不起、以憂卒、年五十四、建炎初、褒
其守節、贈端明殿學士、所著有師陶集、

聖楷曰、世勸當在秘書省、不附蔡京父子、以取貴、
仕其立志已皎然矣、故其直氣讜言、遇事不撓、無
不可以殺身者、豈待邦昌逆命時耶、嗟乎、爲靖康
之忠臣、易爲政和之直臣、難不然、胡寅、趙鼎、輩逃
人太學、欲何爲也、

吳獵

吳獵字德夫潭州醴陵人登進士第初主潯州平南
簿時張栻經畧廣西檄攝靜江府教授劉焯代栻栻
以獮薦辟本司準備差遣盜李接起陷容雷高化貴
鬱林等州獵請賞勞誅罪焯於是錄鬱林功誅南流
縣尉鬱林巡檢人人驚厲爭死聞不踰時盜悉就擒
尉宰相王淮甥也獵坐降官久之知常州無錫縣用
陳傅良薦召試守正字光宗以疾久不覲重華宮獵
上疏曰今慈福有八十之大母重華有垂白之二親

陛下、宣、於、此、時、問、安、上、壽、恪、共、不、職、辭、甚、切、又、白、
相、留、正、乞、召、朱、熹、楊、萬、里、時、陳、傅、良、以、言、過、宮、事、不、
行、求、去、獵、責、之、曰、今、安、危、之、機、判、然、可、見、未、聞、有、索、
裾、折、檻、之、山、公、不、於、此、時、有、所、奮、發、爲、士、大、夫、倡、第、
潔、身、而、去、於、國、奚、益、傅、良、爲、改、容、謝、之、寧、宗、卽、位、選、
校、書、郎、除、監、察、御、史、上、趣、修、大、內、將、移、御、獵、言、壽、皇、
破、漢、魏、以、來、之、薄、俗、服、高、宗、三、年、之、喪、陛下、萬、一、輕、
去、喪、次、將、無、以、慰、在、天、之、靈、又、言、陛下、卽、位、未、見、上、
皇、宜、篤、厲、精、誠、以、俟、上、皇、和、豫、而、祇、見、焉、會、僞、學、禁、

興獵言陛下臨御未數月今日出一紙法案明日
出一紙去諫臣昨又聞侍講朱熹遽以御札臬祠中
外惶駭謂事不出于中書是謂亂政獵旣駁史浩謚
又請以張浚配享阜陵議皆不合尋劾罷黨禁旣弛
起爲廣西轉運判官除戶部員外郎總領湖廣江西
京西財賦韓侂胄議開邊獵貽書當路請號召義士
以保邊場刺子弟以補軍實增棗陽信陽之戍以俾
衝突分屯陽邏五關以扞武昌杜越境誘竊以謹邊
隙選試良家子以衛府庫且謂金人懲紹興末年之

敗○今○其○來○必○出○荆○襄○踰○湖○乃○輸○湖○南○米○於○襄○陽○凡○五○
十○萬○石○又○以○湖○北○漕○司○和○糴○米○三○十○萬○石○分○輸○荆○鄧○
安○信○四○郡○蓄○銀○帛○百○萬○計○以○備○進○討○按○董○適○孟○宗○政○
柴○發○等○分○列○要○罷○厥○後○皆○爲○名○將○屬○江○陵○告○饑○除○秘○
閣○修○撰○主○管○荆○湖○北○路○安○撫○司○公○事○知○江○陵○府○陞○辭○
請○出○大○農○十○萬○緡○以○振○饑○者○道○武○昌○遣○人○招○商○分○糴○
至○罷○減○價○發○糴○米○價○爲○平○獵○計○金○攻○襄○陽○則○荆○爲○重○
鎮○乃○修○成○高○氏○三○海○築○金○鸞○內○湖○通○濟○保○安○四○匱○達○
于○上○海○而○注○之○中○海○拱○辰○長○林○藥○山○棗○林○四○匱○達○于○

下海分高沙東獎之流由寸金堤外歷南紀楚望諸
門東匯沙市爲南海又于赤湖城西南遇走馬湖熨
斗陂之水西北寘李公置水勢四合可限戎馬金人
圍襄陽德安游騎追竟陵朝廷命獵節制本路兵馬
獵遣張榮將兵援竟陵又招神馬陂潰卒得萬人分
授襄陽德安加寶謨閣侍制京湖宣撫使時金人再
犯竟陵張榮死之襄陽德安俱急吳曦俄反于蜀警
報至獵請魏了翁擁參議官訪以西事募死士入竟
陵命其將王宗廉死守調大軍及忠義保捷分道夾

擊金人遂去又督董道等援德安董世雄孟宗政等
解襄陽之圍西事方殷獵爲討叛計請于朝以王大
才彭輅任西事仍分兵抗均房諸險清粟趨陝以待
王師及曦誅除刑部侍郎遷四川安撫制置使兼知
成都府嘉定六年召還卒家無餘貲蜀人思其政畫
像祠之獵初從張栻學乾道初朱熹會栻於潭獵又
親炙湖南之學一出於正獵實表率之有畏齋文集
奏議六十卷謚文定

聖楷曰吳畏齋子同穎人又其治績在荆湖間今

皆泯泯無聞矣。君子之澤，五世而斬，豈其然乎？抑史稱其以學爲政，夫適當僞學之禁，而能行已志，千載而下，安得不仰詠其餘烈也。

三海八櫃考

按江陵縣東北十五里，吳陸抗築大堰，高保融得之，名爲北海。宋紹興，李師夔乃櫃上下海，以遏敵。開禧初，兵端旣開，劉甲再築上中下三海。於是吳獵趙方，皆增修以壯形勢。後孟珙又引沮澤及諸潮水，注之三海，綿亘數百里，遂爲江陵天險。金人

嘗犯荆門州、距江陵、纔百里、而去以三海之險、故也。八櫃者、所以蓄泄水勢、三海、俗名海子、八櫃、俗名九、爾然其地、今皆湮塞、問之江陵人、多不知。

胡穎

胡穎字叔獻，湘潭人。父藥，娶趙方弟雍之女。二子長曰顯，有拳勇，以材武入官，數有功事。見趙范傳。穎自幼風神秀異，機警不常。趙氏諸舅以其類已，每加賞鑒。成童，即能背誦諸經，中童子科。復從兄學弓馬，母不許，曰：「汝家世儒業，不可復爾。」遂感勵苦學，尤長於春秋。紹定三年，范討李全，檄穎入幕。穎常微服行，諸營察衆志，嚮歸必三鼓後。全敗，遣穎獻俘于朝，以賞補官。五年，登進士第。京秩，歷官知平江府、兼浙西提

刑移湖南、兼提舉常平、卽家置司、性不喜邪佞、尤惡
言神異、所至毀淫祠千區、以正風俗、衡州有霸祠、吏
民風所畏事、顙撒之作來、訟堂奉毋居之、嘗語道州
教授楊允恭曰、吾夜必瞑坐此室、察影響咸無、允恭
對曰、以爲無則無矣、從而察之、則是又疑其有也、顙
甚善其言、以樞密都承旨爲廣東經畧安撫使、潮州
僧寺有大蛇、能驚動人、仕于潮者皆信奉之、前守去
州、人心疑焉、以爲未嘗詣也、已而旱、咎守不敬蛇神、
故致此、後守不得已詣焉、蛇蜿蜒而出、守大驚得疾、

旋卒。穎至廣州，聞其事，檄潮州令僧昇蛇至，其大如
柱，而黑色，戴以關檻。穎令之曰：爾有霧，當三日見。變
恠過三日，則無神矣。屆期，蠢然猶衆蛇耳。遂殺之，毀
其寺，并罪僧。移節廣西，尋遷京湖總領財賦。咸淳間，
卒。贈四官。穎爲人正直剛果，博學強記，吐辭成文，判
下筆千言。援據經史，切當事情。倉卒之際，對偶皆精。
讀者驚歎。臨政善斷，不畏疆禦。在浙西，榮王府十二
人行劫，穎悉斬之。一日輪對理宗，曰：聞卿好殺，意在
浙獄。穎曰：臣不敢屈太祖法，以負陛下。非嗜殺也。帝

爲默然

聖楷曰先輩文衡山云王雲鳳出爲陝西提學臺
長江公某告之曰君出振風紀但盡分內事勿毀
淫祠禁僧道雲鳳曰此正我輩事何以云然公
曰君見得眞確則可見之不眞而一時幕名爲之
他日妻妾子女有疾不得不禱祠一禱祠則傳笑
四方矣雲鳳歎服按此與楊允恭對胡穎之言正
合其後穎殺蛇神斬刼卒都從毀淫祠做去若見
稍不眞定無此等舉動矣胡公亦可人哉

楊大異

楊大異字同伯唐天平節度使漢公之後十年祖祥
避地醴陵因家焉祥事親孝親亡哀毀泣盡繼以血
廬墓終身有白芝白鳥白兔之瑞事聞于朝褒封至
孝公賜名木植墓道以旌其孝大異從胡宏受春秋
登嘉定十三年進士第授衡陽主簿有惠政調龍泉
尉攝邑令適歲饑提刑司遣吏和糴米二萬石于邑
米價頓增民乏食大異卽以提刑司所糴者如價發
糴民甚德之提刑趙與憲大怒拮其罪弗得坐以方

命移安遠尉。邑有峒寇擾民。官兵致討。積年弗獲。擢
大異往治之。大異以一僕負告身。自隨。尋與入賊峒。
傳呼尉至。賊露刃成列。以待徐諭。以禍福皆伏地叩
頭。願改過。自新。留告身爲質。偕其渠魁數輩出降。以
功遷吉州戶曹。改廣西經略。復以彌盜賞。除四川制
置司叅議官。北兵入成都。大異從制置使丁黼巷戰。
兵敗。身被數創。死。闔門皆遇難。詰其部曲竊往。瘞
之。大異復蘇。負以逃。獲免。進朝奉郎。宰石門縣。就除
通判。深陽。擢州事。皆有惠政。去官之日。老弱攀號。留

之○大○異○易○服○潛○去○擢○知○登○聞○鼓○院○遷○大○理○寺○丞○平○反○
寬○獄○者○七○召○對○極○言○時○政○得○失○迂○案○相○意○出○知○澧○州○
理○宗○曰○是○四○川○死○節○更○生○者○楊○大○異○耶○論○事○剴○切○有○
用○之○才○也○何○遽○出○之○對○曰○是○人○尤○長○於○治○民○命○予○節○
進○直○秘○閣○提○點○廣○東○刑○獄○兼○庾○事○時○常○平○司○逋○負○山○
積○械○繫○追○索○姦○蠹○百○出○大○異○與○之○約○悉○縱○遣○之○負○者○
如○期○畢○輸○吏○無○所○容○其○姦○訪○張○九○齡○曲○江○故○宅○建○曲○
江○書○院○以○祀○之○改○提○點○廣○西○刑○獄○兼○漕○庾○二○司○所○至○
姦○吏○屏○息○寇○盜○絕○迹○凡○爲○民○興○利○除○害○者○必○奏○行○之○

復建宣成書院祀張栻呂祖謙廣海幅員數千里道
不拾遺報政爲最未六十卽丐致仕不允章四上除
秘閣修撰大中大夫提舉崇禧觀醴陵縣開國男食
邑三百戶賜紫金魚袋歸里第與居民無異學者從
之講肄諄諄相與發明經旨條析理學食祠祿者二
十四年卒年八十二子震霖震載忠義
聖楷曰醴陵故湘南地山水清鬱宜產英譽然獨
盛于晚宋時亦生才之一厄也若楊公三世忠孝
可爲惻然

楚寶卷六

明、梁谿高世泰彙編父鑒定

湘潭後學周璽楷輯纂

丹陽賀開比較訂

名臣

皇明

吳琳

吳琳黃岡人父應澍富好行德與吳草廬魯子輩輩
諸名賢友善元朝徵詔不起書西山先生褒之至今
稱西山先生公業儒通經術高祖平陳歲用詹同

薦召爲國子博士。嗣遷浙江按察司僉事。歷武康臺、著績入爲起居注。吳元年，命同魏觀求遺賢於四方。陞太常卿，進兵部尙書。京闈鄉試，上曰：「琳經學優，命與司業朱淵典試。」洪武三年，改吏部尙書，賜誥褒美。公旣入吏部，與詹同迭視事。尋公以老乞致仕。旣家居，上嘗遣使察之。使者潛至公旁舍，見一農人孤坐。小几起而拔稻秧，徐布於田。貌甚端謹。使者問曰：「此有吳尙書者在家否？」農人歛手對曰：「琳是也。」使者還白狀。上益重之，復召入爲原官。後

在吏部堂。一旦瞑坐而逝。

聖○楷○曰○人○臣○潔○身○事○主○而○蹈○危○機○者○非○盡○其○世○之○
不○淑○也○或○快○意○當○前○止○足○念○少○或○功○高○譽○重○歛○退○
未○能○古○之○覆○轍○往○往○然○矣○吳○公○起○自○布○衣○屢○登○樞○
要○獨○能○隱○顯○一○致○坐○化○木○天○視○夔○門○之○旅○櫬○斯○爲○
優○矣○魏○死○天○年○寧○不○悲○夫○故○爾○興○監○鴻○猷○得○時○之○
美○駕○若○夫○舍○章○貞○守○以○從○王○事○所○謂○棄○鱗○養○角○知○
所○輕○重○也○

夏瑄

夏瑄字韞輝。湘陰忠靖公之次子也。少穎敏。喜讀書。嘗竊觀忠靖奏草。及忠靖朝退。必請問所議事。忠靖笑曰。是非爾所知也。然心默喜之。胡公淵嘗夢上以櫻桃一盤錫忠靖二子。長子琬避不敢受。而公獨受。賜後琬卒。胡公以告忠靖曰。繼公夏氏者。必此子也。仁廟嘗顧問忠靖曰。卿子年幾。何欲以近侍官之。忠靖曰。臣子幼稚。非食祿時俟成立事。陛下未晚也。宣德五年。忠靖薨。宣廟震悼不已。即日遣中

官致命於家。拜公尙寶司丞。明日公與叔父原禮入謝。時公年甫十有三。進退有度。特賜冠帶衣服。公扶柩歸鄉里。宣廟憫公幼特免守制。使養母于官。而別遣官護喪。歸直厚恤其寡。公強記過人。太師張公輔呼爲小友。少師蹇公義而下多公。父執禮重之。正統初英廟追念忠靖勤勞。特賜公田十八頃。而蠲其稅。楊文敏公榮將歸。謂公曰。尙寶非處君地。吾還當薦君。未幾楊公卒。不果。雲南夷逆命公上疏乞立功。自效。尙書王公驥奇之。欲以公往。有沮者。乃已。八

年命署尚寶司事公以明疾乞侍養還鄉母愈乃就
職時四方多事公上疏陳七事一謂湖廣苗本異種
必有首惡糾合爲寇宜密令諸脅從諭以利害誘以
重賞使反兵相攻然後出其不意擊之必破一謂苗
出遠剿必使老弱守寨宜分兵間道擣其巢穴則賊
分而勢寡一謂北虜雖每歲朔貢狙詐難測宜令知
兵者行邊旌勇智退老弱繕兵械修城隍謹烽堠以
備不虞一謂福建盜作師久無功使賊勢日張民困
轉輸不得耕食是益盜也宜督將臣乘時殄滅多見

采納十四年虜犯京師公憂憤陳四事一謂虜乘勝
遠○闌○鋒○不○可○當○宜○堅○壁○勿○戰○使○進○無○所○得○退○復○氣○沮○
然○後○出○奇○設○伏○諸○道○奮○擊○破○之○必○矣○一○謂○虜○深○入○吾○
地○宜○令○死○士○夜○襲○其○營○仍○設○伏○內○地○以○待○追○者○一○謂○
虜○既○舉○國○入○寇○邊○無○所○禦○宜○調○邊○兵○之○半○入○捍○京○城○
內○外○夾○攻○彼○將○自○潰○一○謂○我○軍○依○城○爲○營○進○無○死○志○
退○有○所○歸○宜○嚴○號○令○以○堅○其○志○如○以○三○隊○爲○法○前○隊○
戰○退○令○中○隊○悉○斬○以○徇○則○士○良○法○而○不○畏○敵○矣○詔○亟○
行○之○後○虜○使○至○公○又○言○虜○無○故○遣○使○與○吾○譟○者○偕○來○

必佯爲遜辭以緩我應援揣我進退覘我虛實或爲
誑事虛情以亂我謀或賂我譯者令爲反間宜慎防
之以觀其變又謂虜若引退宜分兵五路間道襲之
以正兵二路當其前以奇兵二路攻其傍以伏兵一
路絕其後又以宣府大同諸路邀其歸蓋彼方恃強
不虞吾至且待使回犯我而我先奪其心勢可必破
况今太陰犯昴主胡不利太白出高用兵取戰吉臣
以爲天道人事機不可失當道不能盡用其言公又
言虜既得利今冬來春必圖再寇今日汝寧鳳陽諸

府及河徙故地流移之民無慮百萬恐因隙而動爲患不淺願假臣便宜使招募智勇以爲國用仍條陳事寔以爲先召吏士及其故老俾各舉所知凡舉至及所舉勞以酒幣揭名于旗以酬忠義然後榜諭凡有知兵敢戰習騎射諳地利能爲間諜者許以官賞復其家一丁以給其力事平之後不願爲兵者釋之教閱之法以百人爲率擇其能者十人以教其九十人兵集旣衆又習戰法可以捍京邑可以消外變事下兵部尚書于公謙請試用其才侍郎王公偉公知

已也。時爲監察御史，亦請勅公募兵淮揚，會事定不果。久之，公以母老乞就養金陵。命掌南京尙寶司事。三月，丁鄭夫人憂。上京師，復陳三事曰：賞罰以爲御將，不可不嚴；任吏，不可不寬；宐罪敗師，棄守之將以戒不忠。增廉官能吏之祿，以勵不任曰去利以爲善治國者，不損民以益己。因舉近事以利致害者：貪虜入貢，致生邊患；宿兵麓川，以疲中國；其弊在上，污吏賣民，以妨文治；貪將虐兵，以耗軍伍；其弊在下，宐減浮費，以輕徭賦；省游食，以足軍儲；惜民力，以培邦。

本文謂貴州空仍洪武舊制置行都司罷藩臬提縣
命一良將輔以文臣使專決於外以寧邊患曰審機
以爲制敵之機係乎攻守之得失因舉近事之失機
者虜初寇大同氣銳鋒利不當戰而與戰以致敗績
一也宣府懲彼失利畏慎大過虜經其城當戰而不
與戰以致土木之敗二也及虜越重關犯畿甸自納
其死而我過爲防禦無所施措以致大變三也宣鑒
覆轍懷遠圖揚天威以雪國耻大學士高公穀見公
疏薦于朝亦不果用奉使秦府充冊封副使凡所賜

遺○悉○不○受○天○順○二○年○公○以○疾○請○命○掌○南○京○尚○寶○司○事○
踰○月○遷○少○卿○八○年○賜○誥○命○特○贈○所○生○母○王○氏○爲○夫○人○
成○化○二○年○進○爲○卿○時○五○府○多○闕○惟○都○督○一○人○公○奏○守○
衛○事○重○非○一○人○可○任○乃○命○四○都○督○往○更○宿○衛○十○四○年○
九○載○考○最○陞○南○京○太○常○寺○少○卿○仍○掌○尚○寶○司○事○方○圖○
請○老○歸○守○先○墓○無○何○疾○卒○未○卒○五○日○猶○力○疾○草○疏○大○
畧○言○臣○伏○見○太○宗○文○皇○帝○賜○皇○太○孫○勅○諭○皆○農○
桑○軍○國○爲○政○治○民○之○要○誠○祖○宗○詒○謀○之○至○意○願○
陛○下○置○諸○左○右○覽○而○行○之○仍○命○皇○太○子○讀○誦○使○預○

知○民○事○艱○難○守○成○不○易○則○不○必○遠○求○諸○古○而○天○下○可○
治○臣○懷○此○言○未○敢○輒○上○今○臣○病○旦○夕○死○此○而○不○言○永○
無○日○矣○命○其○子○崇○文○上○之○計○聞○上○遣○官○諭○祭○於○南○
京○

聖○楷○曰○諸○葛○武○侯○卒○於○軍○中○宣○王○案○其○營○壘○處○所○
歎○曰○天○下○奇○才○也○夏○瑄○少○恥○父○蔭○欲○立○功○自○効○不○
得○土○木○之○變○虜○犯○京○師○瑄○憂○憤○陳○四○事○又○陳○三○事○
識○大○察○亂○出○奇○設○伏○皆○救○時○急○着○而○當○事○者○卒○不○
能○用○其○言○惜○哉○子○故○特○表○著○之○使○如○武○侯○之○營○壘○

後人知所取法也。抑觀其終于太常力疾一疏。又
何其老成。惋惻篤于忠。悲廖太史題夏氏三世畫
像云。大師公功在當時。澤流宇內。猶之衡嶽出雲。
洞庭浴日。鼓扇造化。而物不有其功。太常君克昌
厥後。振揚先烈。猶之山下出泉。風行水上。涵蓄浩
漭。而人不知其蘊。通政君發其幽潛。續其碩膚。猶
之山益峻而高。水益駛而奇。而莫知其所紀極。嗚
呼。盛矣。通政君名崇文。瑄之子也。舉進士。亦有異
才。多建白。

于肅愍功罪考

維風編曰少保于肅愍公謙己己之秋胡塵翳天
皇輿播越於迤北戎馬踰蹂於郊坰變在呼吸間
耳幸不至如靖康永嘉之禍者公之力也惟公時
勞畫所最難者有七彼時關庭闕然而譚監國
欲退已成甘露之變矣公上陞掖留請立斃王毛
二監以紓衆憤請宣諭王振應旗侯命行誅焉
順應死擊死勿論而羣情乃定一也嗣監國新立
法紀不章戰守無具廟忠且方熾也公首正扈

駕失律之罪亟請遣官募義勇集民夫更漕卒練營兵以備征調且除戎器調兵食傳檄邊鎮近省並授方畧遇虜勤王二也嗣徐瑄倡議南遷踵宋季南渡覆轍矣公慟哭抗言力排其議自是根本始固三也石亭請閉九門以避賊鋒幾以百萬生靈與虜矣公令盡移郭外居人入城背城而軍德勝門外堅壁清野急散官軍通州倉糧百萬盡入都城不以資敵四也喜靈嗾虜邀大臣議和後恭將許貴亦請與和緩師是季宋款金之愚計也公

卽○出○德○勝○門○對○壘○約○戰○勵○將○誓○師○而○虜○始○震○沮○五
也○喜○寧○異○族○以○國○爲○市○此○虜○奸○細○也○公○授○計○擒○之○
以○絕○禍○本○六○也○自○是○虜○會○悔○禍○奉○上○還○京○其○時○外○
患○甫○戢○內○釁○漸○萌○奉○迎○之○議○上○不○樂○聞○調○停○少○
失○干○戚○之○事○兆○矣○公○昌○言○大○位○已○定○不○敢○異○議○惟○
君○臣○大○義○兄○弟○至○情○自○應○遣○使○奉○迎○上○乃○勉○從○
七○也○直○其○時○閩○越○嶺○南○劇○盜○蜂○起○南○蠻○西○蕃○亦○復○
蠢○動○公○內○固○京○師○外○籌○邊○鎮○防○衛○陵○寢○敬○遣○降○胡○
抗○控○漕○渠○開○鎮○臨○清○收○復○獨○石○八○城○堡○倉○黃○汪○晉○

動○中○機○空○一○時○經○畫○奕○世○永○賴○者○不○可○殫○述○殆○若○
天○授○神○啓○豈○公○之○智○算○異○等○抑○公○之○精○誠○無○二○耳○
惟○虜○酋○擁○上○皇○大○同○城○下○勒○降○大○同○人○登○城○謝○
曰○賴○天○地○宗○社○之○靈○國○有○君○矣○至○宣○府○城○下○亦○然○
至○京○城○下○亦○然○公○時○引○據○孟○子○社○稷○爲○重○之○言○實○
合○漢○帝○分○羹○之○謾○對○襲○鄭○人○伐○許○之○故○智○也○事○以○
之○成○疑○以○之○生○悲○夫○公○嘗○言○此○一○腔○血○不○知○竟○灑○
何○地○嗟○嗟○公○之○血○誠○已○灑○於○此○矣○太○子○之○易○南○
城○之○鋼○公○何○以○自○解○於○英○皇○顧○九○廟○列○聖○享○血○

食於無疆者當以鑒公此血誠也

聖楷按于公初謚肅愍肅公允嘯撫浙始題請改忠肅時大司馬王公雲渠在都中夢于公來訪以詩相質覺後但記一聯云空山清淚悲誰訴萬里忠魂獨自歸王異其夢而謚乃定噫公之精爽如此類甚多後學不知或妄爲論列予故取耿恭簡之論附見於此

王竑

王竑字公度江夏人成籍河州正統四年進士公正
直剛毅有經濟才初爲戶科給事中郕王監國初坐
午門南面視朝百官劾王振誤國讀彈文未起錦衣
指揮馬順振黨也從旁叱言官去公起摔順首曰此
正奸臣當亟誅百官批殺順文索毛玉二長隨監國
爲擊苑血漬丹陛內臣滌血儀長史曰勿滌爲若曹
鑒俄遣都御史陳鑑籍振家并其黨是冬虜犯京師
命公監守北城軍當是時北城諸將獨戰勝退虜京

師解嚴。公上言。廟去不大挫。必再至。宜急爲戰守計。勿遂調無事。陛命都御史守居庸關。訓練士卒。繕塞險隘。軍政一新。又能諭以大義。感動人心。北門屹然。尋病還京。蕭啓代公。景泰二年。總漕淮上。三年。兼巡撫。清理鹽法。賑濟。劾巡河御史王岷貪淫。謫岷戍關。平會災傷。四年。上疏言山東河南東昌開府抵江北。徐淮去年正月大雪異常。夏秋水。人民廬舍漂蕩。麥稻泮沒。老穉顛連流徙。邇者新春風雨連月。寒沍倍冬。不識天意何在。嘗觀易泰卦彖曰。內陽外陰。君

子道衰。小人道消。否卦彖曰：內陰外陽。君子道消，小人道長。蓋陽爲君子，陰爲小人。今方春，陽衰其候類。秋冬是陰盛，陽微殆食祿者。君子少而小人多，故也。然小人之行，豈懦而無用，鈍而不敏，訥而無言，愚慙而冒犯天怒者乎？必其欺詐若誠敬，便佞若忠，顛太貪若廉，太姦若愚，卽書所謂靜言庸違，孔子所謂色厲內荏者，是也。伏望皇上念祖宗社稷之重，上天咎徵之戒，責有位之臣，痛自修省，改圖進君子，退小人，俾忠良都任政，奸邪者屏處。又必省刑罰而止聚。

歛節財用而抑貢獻罷無益之工嚴無功之賞散財以收民心愛民以植邦本庶幾人事修而天變可回然欲知君子小人邪正文必本於聖德之明庶伏望皇上日親講臣俾陳二帝三王與祖宗列聖養心修德之要以清出治之源則凡君子小人莫逃天鑑矣臣濫處臺憲致茲災異無所逃罪伏乞罷歸田里上嘉納引咎勅諸大臣修省下災蠲邑賑濟公又上疏言饑民流徙就食臣分遣屬吏沿河贍賑每遇過舟董令出米爲粥分給賴存活者一百八十五萬八

千五百人勸諭富有方家出米麥穀粟二十五萬七
千三百石銀三千六百七十兩錢綿布半之量給被
灾者五十五萬七千四百七十九家缺農具種子七
萬四千三百九十七家亦以官物賑給民流去撫來
復業者五千五百九十三家他境流冗安輯者萬六
百餘家幸賴聖明盜賊稀少顧鴻厯之哀鳴方息鵲
鷦之棲戢未寧耕藉休養庶底康寧四年少保陳循
戶部尚書金濂皆言公心純政平委曲調劑弘濟民
艱况總督漕運姦貪畏憚兼理巡撫兵民慕戴陞副

都御史仍治淮安。上皇復辟，謫浙江參政，尋除名。

編管江夏，居半歲放歸。明天順五年，字來寇陝西，我兵再敗京師，曹賊反，傷二三大臣。南陽薦起，公視師會虜退，再蒞淮上，威行惠職，聲望益重。茂陵卽位，收用名賢，陞兵部尙書。公守正嫉邪，人知嚴憚，不能盡行其志。三閱月，請老去。正德中，謚莊毅。

通紀曰：王莊毅公，巡撫兩淮，諸隄時徐淮大饑，民死者相枕。籍，公至，盡所以救荒之術，旣而山東河南流民猝至，公不待奏報，大發廣運官儲賑之。

近者人日飼以粥。遠者量散以米。流徙者給米以爲道食。被鬻者贖其人。以還其家。共用米一百六十萬餘石。全活數百萬人。擇墾四十人。空庾六十楹。度流民之病者。死者。給以棺。爲殯。冢塋之。晝夜竭精慮。事事窮理。有所委任。必委曲戒諭。出於至誠。人人爲盡力。或述其行事爲救荒錄。世傳焉。先是淮上大饑。帝于樓轡上閱疏。驚曰。奈何。百姓其饑死矣。後得竊奏。輒開倉賑濟。大言曰。好御史。不然。饑死我百姓矣。

聖楷曰。今之爲民上者。遭歲大歉。輒藉口云。救荒
 無奇策。試看王伯毅之賑濟饑民。是奇策否。此策
 在有位者。人人可行否。程子謂一命之士。苟存心
 于愛物。于人必有所濟。朱子亦謂凡民有患難勢
 可言于官。則爲言之。不可言。則多方救護之。况時
 位在我。得行其志者哉。按景泰二年。帝頗聲色
 參侈。嘗以銀豆金錢等物撒地。令宮人及內侍爭
 拾爲開笑。編修楊守陳賦銀豆。謠曰。向方承認出
 九重。台銀爲豆。驅良工。顛顛勻圓。奪天巧。朱函進

入蓬萊宮御手親將十餘把琅玕亂灑金堦下萬
顆珠璣走玉盤一天雨雹敲鴛瓦中官跪拾多盈
袖金鐙半隄羅裳綯贏得天顏一笑歡拜賜歸來
坐清晝聞知昨日六宮中翠娥紅袖承春風黃金
作豆競拾得羊車不至愁煙中別有銀壺薄如葉
并刀剪碎盈丹匣也隨金豆灑金堦滿地春風飛
玉蝶君不見民食木皮和草根夢想豆食如八珍
官倉有米無錢糴操瓢盡作溝中塵明王山來愛
一頓安邦只在恤窮民願將銀豆三千斛活取枯

楚

寶

八

卷六

骸○百○萬○人○嗟○乎○讀○此○誰○益○知○世○人○之○功○德○不○小○矣○

伍文定

伍文定松滋人弘治二年進士初授常州府推官以
事忤逆瑾已陞成都府同知追逮詔獄爲民瑾誅補
嘉興府同知平桃源賊有功都御史陶琰以異材薦
于朝陞河南府知府時江西吉安多盜乃調吉安至
卽禽永豐巨寇賴招壽等四百餘人平桶岡賊得渠
魁謝志山等宸濠反詐奉太后聖旨移檄遠近入
心惶惑文定卽同都御史王守仁倡議討賊提兵攻
南昌濠舟師還救迎戰于王家渡文定立矢石中督

戰砲火燎其鬚而不爲動。遂就擒。陞按察使。進都察院右副都御史提督操江。久之以疾致仕。尋起爲兵部右侍郎。陞右都御史。屬雲南有安鳳之亂。陞兵部尙書兼都御史提督雲南川廣軍務。未入境。賊平時。忝部屢不靖。文定欲乘兵力勦之。以伸威百蠻。上遽降旨罷兵。召文定還督團營。文定因乞休。許之。至是卒。詔賜祭塋如例。文定孤忠自信。遇事敢爲。不能與時爲俯仰。故功烈甚著。然以牴牾終其身爲志士所深惜云。

皇明通紀曰正德十四年六月福建福州亂王
守仁奉命往撫將至豐城聞宸濠已反守仁乃
棄所乘座船以小舟奔還吉安遂與知府伍文定
倡義檄徵諸罷兵共討之吉安府兵先集袁州府
知府徐連臨江府知府戴德孺贛州府知府邢珣
各率兵至守仁遂督四哨兵進攻南昌瑞州奉新
兵亦會賊黨守城者聞兵至俱先逃潰是月二十
日五鼓兵薄城下城門或開或閉遂克之寧府官
中眷屬皆自焚各哨兵入城大縱殺掠爭取金帛

贛州瑞州兵尤甚。守仁執十餘人斬之。乃稍定。時宸濠攻圍安慶十有八日。城中守愈固。賊兵疲氣沮。聞守仁兵下南昌。宸濠大恐。議還救根本。遂解安慶。圍兼程還。守仁趣各哨兵迎擊之。遇於王家渡。伍文定哨先進。邢珣從之。贛兵奮斬賊首吳十三。賊衆敗走。宸濠懼。退保樵舍。盡出金寶犒士。死戰。守仁令以小舟載柴。乘風縱火焚之。賊遂奔潰。宸濠爲兵士所執。妻妃及宮人皆赴水死。世子諸子及李士實、劉養正等皆被擒。賊衆殺溺死者萬

餘人時七月二十六日也初宸濠將反妻妃嘗泣諫之不聽既就擒檻車北上與監押官言往事卽痛哭且曰昔紂用嬖言而亾天下我不用嬖言而亾家國悔恨何及

吳璫登曰宸濠之平孫訢勵其節王佐大其勳而中其機空奮其忠勇則尤文定力也昔雷萬春面中六矢而不動文定火燎鬚眉而不驚以故保全睢陽與誅鋤盜賊者曠世一例焉

王陽明舉能自代疏曰切見致仕副都御史伍文

定質性勇果識見明達往歲寧藩之變嘗從臣起
兵討逆臣備知其能今年力未衰置之閑散誠有
可惜若起而用之以爲巡撫其於經畧之方撫綏
之術必能不負所委聖鑑按平濠一案賞不酬
功若文定皆未免有徒薪之歎故併採陽明薦疏
可爲定論

袁宗臯

袁宗臯字仲德石首人少俊異有大志弘治庚戌登進士辛亥恭穆與獻皇帝初分封安陸之國選克長史勵精奉公獻皇慶得賢相事無大小悉裁決焉嘗降溫旨袁長史厚內方外正學篤行盛德長者也益見信任登弊戢姦衛從有強取民財者廉之不少貸由是府中憚其嚴肅無敢擾州民賴以安堵丁巳獻皇奏臯歷任既久輔導以正宜加陞擢孝皇帝授正三品進階通議大夫正德乙亥獻皇

復表臬清謹有年政事練達武皇帝賜旨勞之進
江西按察使秩仍舊輔導辛巳世宗入繼臬扈從
至良鄉上覽禮部具儀謂臬遺詔以吾嗣皇帝
位非爲皇子臬曰至上聰明仁孝實天啓之蹕次
京城行殿輔臣楊廷和固請上由東安門入綱曰
今上繼序卽帝位可復行藩王禮耶因正色厲聲呼
闕大明中門入登大寶臬翊贊新政益效靖恭凡所
建白悉爲國家無窳之基四月二十二日陞吏部左
侍郎兼翰林院學士先武皇帝時內豎乘逆璫餘

烈縱恣不戢。臯首請裁抑。止給役禁闕。不得預政事。
典兵柄。繇是闕尹屏縮。朝綱肅清。五月初十日。遷禮
部尚書。兼文淵閣大學士。索剛正清介。入居台衡。大
小師承京師。苞苴無敢至門者。八月初二日。上簡
儒臣。備日講。臯預知經筵。敷陳墳典。明剴剴切。上
汪聽爲之改容。因欽賜奴婢各六人。初爲長史時。中
酒盡寢。偶夢一美姬。扶床跽請曰。妾備李白洲下陳。
今願治相公帷箔。驚覺召黃夫人語異之。旣而李以
黨宸濠敗。妻孥沒入官。至是所受賜婢。李姻預焉。則

昔夢中人也。定數之不可移如此。九月朔遘疾。上命御醫診視。中官臨問。病革。上疏敬還所賜奴婢。不從。遣命各放。寧家寢疾七日卒。年六十九。謚榮襄。聖祖曰。漢官制諸侯王傅相亦盛矣哉。其御史大夫以下皆自辟置。及景帝懲七國之亂。始更易傅相。諸侯王不得治民。令內史治之。而官僚亦自此省矣。然魏晉以降。師友文學起家。王邸又何其彬彬郁郁也。我國初畧倣漢制。靖難後。惟置左右長史二人。掌王國之政令。輔相規諷。以匡王失。行。

之百年而無弊洵良法也。榮竊雖附日月之光華，際飛龍之景運，要其致身亦匪無術。當其扈從至京師，獨正色厲聲呼闕大明中門而入，與宋昌渭橋之叱太尉何異哉？若夫大禮議起，良鄉嗣泣之對，蚤已昭合。宸衷覺永嘉諸人爲多事也。

李承勛

李承勛字立卿嘉魚人弘治六年進士父田歷官都御史公幼靖敏長與諸兄郎中承恩評事承芳貢士承箕承顏相師友修勵行業初知太湖縣力行善政爲南京主事刑部歷戶工部郎中出守南昌當是時南昌難治劇賊驕藩內外孔棘公深畧雄才撫機輒應正德六年贛賊犯新淦執叅政趙士賢靖安賊據越王嶺瑯崖華林賊破瑞州公廣詞譟繕壁壘扼溪澗屢進戰擒胡雪二纔還府華林賊又叛殺副使

周憲公諭降健賊王奇約內應夜引兵舉火爲號大破賊斬首三千境內安輯公卽上疏請蠲租八年桃源賊起江浙間執兵備吳延舉總制俞諫請邊兵勦賊公曰賊乏食必掠裴源積粟請贖兵自德興南昌兵自岳源分兩翼伏裴源而令邊兵驅賊賊果走裴源遁去太監黎安欲奪公功誣公竄賊詔大理卿燕忠卽訊廣信事白陞浙江按察使歷陝西河南右左布政使十五年副都御史巡撫遼東遼東故富饒無虜患自汪直開邊虜輒携貳擾我開原懿路汎河三

城俱極殘破。公修築定遠慶雲古城鎮夷松山柴河六堡。堠望百八十一所。屯田千五百頃。又修中固鐵嶺蒲河撫順諸城。皆濬隄樹木爲阻。固東園稍寧。進公俸一等。逾年請告。嘉靖初起。公南臺轉南京刑部侍郎。進尚書。又召入吏部尚書。道改刑部。加太子少保。上疏論時事。改兵部尚書兼都御史。代胡端敏公提督團營。惡郭勛驕縱。剪其羽翼。勛愬公欲并中端敏。公辭營務不允。嘉靖八年尚書兵部。當是田州岑猛叛。用兵兩廣。騷動四部。沙保又叛。土魯番奪我

哈密播河西小王子歲入塞公與端敏公相繼本兵
同心經理戎事煩戢公奏裁各省鎮守守備內臣二
十七人錦衣官校旗勇內府詭匠數千人此皆破
祖宗法依城社坐耗國儲腴民膏血大蠹衆束手閉
目莫敢何問者公恃上聖明一旦剪剔去騰驤四
衛者詭冒依附奸欺不可詰公言宮府一體請官軍
考選清覈並如旗手等衛制曰可內臣言四衛禁軍
隸兵部不便往歲彰義門破虜東市勦冒賊皆四衛
功以直內故得號召易集下兵部再議公直言往歲

之事正以兵權歸關人致亂彰義門之戰由太監王
振東市之賊卽太監曹吉祥也上從公議九年大風
晝晦上恐懼憂邊詔問之公答曰聖祖有訓謹
憐胡戎去歲冰合北虜盡入河套以陝西邊患患延
寧固原爲急甘肅軍餉專仰河東宜于蘭州及時糴
貯以備河西災窘曩時河西患苦土魯番亦卜刺又
深入兩寇夾擾孤危益甚海賊套賊出入殺掠並經
莊浪被其殘害急宜繕塞設險斷臂截種使賊相隔
絕元良咎最近京師不善撫卹爲門庭之寇雲南安

鳳○之○叛○軍○民○困○敝○臨○安○蒙○自○盜○賊○復○起○曠○日○持○久○恐○
釀○成○大○患○交○趾○世○子○流○寓○老○耄○異○日○歸○命○請○援○或○據○
地○求○封○皆○未○可○測○惟○用○人○理○財○蚤○爲○警○備○以○保○社○稷○
幸○甚○十○年○議○耕○桑○禮○詔○問○公○答○言○禮○有○儀○文○政○有○根○
本○惟○上○下○儉○節○懇○田○興○水○利○足○民○衣○食○今○日○急○務○議○
郊○禘○又○詔○問○公○以○傳○經○術○順○人○心○對○公○楚○人○有○名○
上○稔○知○公○幾○欲○用○爲○吏○部○尚○書○不○果○是○年○春○充○正○使○
冊○九○嬪○晨○起○趨○朝○暴○疾○卒○贈○少○保○謚○康○惠○公○學○有○源○
委○才○無○枝○柱○提○兵○南○北○曉○暢○軍○事○通○達○國○體○議○論○英○

發廉潔自守家無餘貲子勣益府長史

聖楷曰李康惠公父李田字舜耕景泰甲戌進士
勲業人品與康惠益後先相映云今畧紀其一二
事爲郎中時蜀大壩蠻叛尙書楊鼎薦田可任督
餉至蜀度其地險阻遠輓病民乃計黔瀘夔慶等
羈官民所有徵調勸諭得糧二十餘萬石草四十
餘萬束凱還論功擢廣東左叅議海南夷酋那
叛衆議請兵田不可巡撫檄田獨任渡海發近
兵捕首惡誅之躬抵巢穴懇切開諭蠻畏威懷德

相率効順。後陟右副都御史。巡撫京畿。適久旱。民轉徙饑甚。田發官廩賑濟。仍假貸富民。或給官錢俾自趨食。全活近萬人。中官汪直用事。怒田不私謁。林以禍無恐。及其敗。人慶之。亦無喜。此與康惠彰義東市之對同一氣節也。楚先賢又若鄭忠肅之父。子輔。劉忠宣之父。仁宅皆有行業。卓越時流。子收之。獨行庶幾蔚宗懷尚風軌之旨耳。

梅國楨

梅國楨字客生楚之麻城人也少俊朗有大韻能詩
文善騎射既舉于鄉遂挈家客長安久滯公車無意
仕進雖采埋光無復圭角嘗曰人生自適耳依憑軌
跡外張名教酷非所屑常與海內之文人詞客花月
晨夕分題賦詠爲騷壇主盟遊金吾戚里間歌鍾酒
咒非公不歡筆札唇舌爲世所榮孟公驚坐樓纓分
鯖下至三河年少五陵公子走馬章臺校射平原酒
後耳熱相與爲裙簪之游調笑青樓酣歌酒肆布衣

楚製出入市廛摩杪鍾鼎賞評書畫大泉長壽有若
劍客道人之狀識者因知公愛憐光景耗磨壯心與
俗沉浮不用繩檢而外夷內朗宏量沉機真謝安石
張齊賢之流也癸未登第鳴琴畿輔笑譚視事不令
而戢邑多中貴數擾條教公誦其言崇其禮皆良悅
以去入觀騎駿馬帶長弓控羽箭偕侍史蒼頭十餘
人作健兒裝沿途逐狡兔射野雀他邑令值之大駭
以爲探丸人熟視則公也以政最入爲御史壬辰春
寧夏逆賊劉東陽許朝唃唃承恩土文秀等忿巡

撫黨馨裁制叛卒特起殺之遂據城掠堡反督臣魏
學會以變聞朝廷肝食公上封事大畧言賊不足畏
獨虞秋高馬肥勾虜入犯禍且不細爲今計者惟擇
驍將扼虜使不得入而後賊可攻臣見大將李如松
父成梁第如栢等俱足智勇無忝崇文李愬且世受
國恩可使也上許之諸言者畏李氏跋扈不宜拒虎
進狼議論鼎沸公又上封事曰臣見寧夏猖獗必得
名將以專其任時雖豪傑如雲各有鎮守惟退閑宿
將李成梁父子素有威望紀律嚴明諸子家丁武勇

可任。雖寧夏哮承恩父子號爲勇健而不知李氏父
子之遠出其上也。諸臣乃慮其勢重生患有拒虎進
狼之憂。臣于此亦念之熟矣。李氏父子卽爲狼子野
心。自取覆滅。但當防之于遠。東握兵之時而不常防
之于廢棄。離任之後。況背則危疑不安。而今明主洞
察矣。不以疑之。之日。肆其不肖之心。而於信之。之日
反爲赤族之計。其愚悖速禍。又出劉東陽哮拜下矣。
謂成梁爲之乎。臣非不知諸臣之心爲濟臣之所不
及。非相悖也。但用人之道。疑則勿用。用則勿疑。上而

疑下必不肯盡與之權下與上之疑必不敢盡行其
志將領因疑而不受節制士卒因疑而不聽號令忌
者因疑而得肆其讒敵人因疑而得行其間欲專制
也人曰非有異志何以不待奏報欲無借也人曰非
有異志何以要結人心欲行法也人曰非有異志何
以立威欲待釁也人曰非有異志何以觀望或與監
軍謀而不令人曰非有異志何以不聽約束或與督
撫期而先發人曰非有異志何以不與同心服而舍
之則曰何故縱有罪以市恩抗而盡誅之則曰何故

多屠戮以冒賞賜之而使其自殺則曰攘以爲功因之而致其遁逃則曰縱以生患無功則以爲怠玩以養亂有功又以爲妄報而欺罔首尾牽制手足束縛古如王剪樂羊或請田宅而後行或借機杆以自況以孫權周瑜義同骨肉必拔劍破案而後成功況未有深信之素而又示以猜疑之端乎臣固云今之將士殺身不足以成名剖心無由以自白邊事之壞所從來久矣伏望陛下斷之宸衷博採輿論成梁父子稍有可疑速罷其權別爲調遣如萬萬可以相信

方可虛心任之。臣自外吏入，面臺班，雖懷狗馬之心，未效涓埃之報。若疑徒市私恩，不顧國計，願與成梁馳赴寧夏，同討賊，不必加以別銜，假之以重任。但憑陛下威靈，生平忠義，賊知歸命，則臣爲陛下之使。奉揚恩赦，以安反側。負固不服，則臣爲陛下之將。披堅執銳，爲士卒先。平定之日，一切事宜，付之魏學曾等，聽其安輯，以靖地方。臣與成梁卽日還朝，止求自明，不敢言功。倘中途事定，聞報卽返。若其不捷，軍法在焉，何止薦舉非人之罪。又何至以臣之罪貽他

人哉○兵機所在○關係重大○初○聞○變○卽○知○此○賊○非○魏○
學會○等○所○能○定○今○日○此○舉○動○文○知○非○此○時○紛○紛○者○之○
所○能○辨○也○臣○之○所○望○在○陛○下○一○人○耳○惟○陛○下○自○
以○疑○信○決○其○用○舍○若○曰○姑○以○試○之○高○使○成○梁○不○敢○自○
專○則○功○不○可○成○患○不○可○測○臣○不○若○先○受○狂○躁○之○誅○以○
免○誤○國○之○罪○也○疏○入○人○皆○服○其○才○壯○其○氣○上○乃○命○如○
松○往○高○公○監○其○軍○公○乃○與○如○松○馳○寧○夏○城○下○時○賊○嬰○
城○自○守○外○示○卑○順○以○緩○我○師○廣○結○虜○衆○以○爲○聲○援○意○
待○秋○高○虜○集○肆○其○不○逞○公○以○一○受○降○白○旗○堅○之○城○南○

廟聞公至，乃索見公。自陳願順，公許之。東陽許朝等梯城而下，劍戟鱗次，刀鉞耀目。城上皆控弦挽弓，以俟。公單騎而進，與東陽執手，折論神意，安閑詞語，慷慨。下朝露刃擬公，公笑而受之。賊不自知其膝之下也。然賊意終奸狡，甚欲求鐵券。世守西夏，公悉力攻城。因風縱火，燬其南樓，曲招降人，以安反側。引水灌城，會守將失防，決隄，功遂不終。然賊益懼，所恃者廟耳。延至初秋，達廟數萬果自沙湃大入，斷我糧道。賊遣通官二人爲廟鄉導，餽廟金帛充溢，及部落好人。

皆有贈遺。又括城中女子千人。皆虜。命虜來取虜。以故樂爲之用。所至守將不能禦。至鞏州。慶陽。殺人民。奪牛馬無數。虜渡河。從李剛堡入。離城僅三十餘里。公曰。事急矣。若待督撫傳示。緩不及事。麾下將李如樟挺身願往擊虜。公壯而遣之。李如松等諸將奮勇擊虜。斬獲過當。我軍歡聲動地。虜敗去。賊大失望。當是時。賊失外援。自知必死。然詭言朝廷有招安。詔爲諸將所匿。諸將欲盡殺城中人。以怖居民。故皆爲堅守。公度賊勢城中尚可支一年。若至嚴冬。此地酷寒。

我軍不得屯。文恐勾虜復入。至生他變。大可慮也。率秋八日之夜。忽有三人來營中。云諸賊以重陽悉入大城。寘酒南城。空虛可入也。蓋寧夏城有二重。分南城大城。云諸將不之信。以聞公公。曰。時不可失也。覘之。果無城守。急令李如樟等上南城。公繼至。時餘將多次。且總兵牛秉忠年七十。賈勇先登。公從城上語曰。老將軍登城矣。諸將何怯也。遂相次上城。公念創未易約。一妄殺。則大城死守。不可復得。乃大呼云。生擒者論功。不以級。凡我軍生擒一人。卽予紀錄。而仍

縱其人所全活者數千人。城中大喜。然炬燎視。盡設香案。遂得南城。賊勢益孤。我軍從北關攻大城。益急。賊以南城居民子女親戚之在大城者。盡縛之。寘長干上。南城居民痛哭訴之。公諸將皆愕然。無可爲策。公命指揮董正誼呼謂賊云。藍軍已往取許朝之女。劉東陽之母矣。若不釋放。亦如之。賊聞傳呼。良已入心。始安。仍示以未殺降人。賊黨驚喜。公廉知許朝劉東陽等意。欲獻城。而憚李氏父子強。其中可間也。乃覓居民與李相識者。得一人曰李登。令其行間持諭。

字往。噤所曰：若併劉許，罪可贖也。噤見之，果戟手哭，曰：吾父子生矣！召其黨畢，邪氣等計議：須得符印，公據乃如約。登至公，密與免死劄付入城。時賊土文秀自作逆後，屢有歸順獻城之心。劉東陽知之，乃僞病，托文秀後事。文秀入問疾，遂殺之。噤承恩至南門，殺許朝父子，畢邪氣至北樓，見劉東陽。未及語，頭已墜地。噤氏父子至南門，以殺賊告公，遂開城門。嚴申軍令，不得妄殺一人。城中皆解甲焚香，以迎王師。公念事之殷也，脇從頗多。渠魁既誅，餘可寬貸。各賊家丁

安分屬請將標下撫以恩惠皆爲有力健兒呼氏父
子卽不可赦安寘固固以俟天誅庶人心不復驚擾
而各賊資財足供賞軍之用刀刃不血保全一國生
靈實奇功也而督臣忽有傳示云本日內不殺呼氏
父子及諸從賊者以賜劍從事遂盡殺呼氏及家丁
等輩卒爭功恣意剗奪賊賄悉被抄掠居民蕭然一
空公殊憾之以賊平聞公不自居功賞獨後僅晉官
蔭一子金吾百戶不世然天子心知公能明年遂
陞大中丞開府雲中時虜王款塞公以靜鎮之公嘗

曰婦姑亦有溪勃何況華夷當事者遇有爭無偏輕
重可潛消邊釁每遇華人盜夷物者寘之法無貸公
一日大出獵盛張旗幟令諸將盡甲而出校射大漠
縣令關楊怪異之曰今秋成出獵多損稼公乃多事
矣後數日得虜諜云虜欲大入犯以有備中止關令
乃歎詫公機用之神也督宣府時批會遣人送良鐵
數十片云虜中某山忽產此鐵公不報但命工鑄爲
劍淬磨甚精及虜來市公禁諸邊勿與鐵鑊虜衆大
譁公出劍示虜使曰前者虜王所遺鐵中國殆未有

爾國幸有佳者何用此方下產也。劇衆聞之。慙怨。批
削。拙。簡。詞。屈。乃遣人來白。云。某知罪矣。前鐵實中國
市來。劇中安得有此。聊爲誇耳。公曰。我以至誠待爾。
此後勿復作此狡獪。仍命以鐵鑊與之。公雖令劇不
敢欺。而每遇劇饑。輒以賑濟。與華人無異。故劇皆感
泣。酋王稱之爲父。其忠信行于蠻貊如此。後以憂。歸
田。旣除服。不及起用。而卒。公性坦夷。外寬內嚴。終身
不見有喜愠之色。毀譽當前。不復致辨。倥傯之中。愈
見服整。綜理綿密。筆硯皆有方畧。口無臧否。忽出一

言其人立見飲啖兼人後房姬侍繁多亦無華飾頗有夏侯妓衣之謂公夷然不屑文辭甚典腴詩有奇氣不多作尺牘工巧甚喜射至老不倦每會燕多以寒具爲的與賓僚共射之晚通禪理女澹然以孀爲尼公不之禁澹然戒律甚嚴于道有入父子書牘往來頗有問難方公之開府雲中也公安袁小修客長安以學道未契汲汲求友爲念公寄書云貫城之夢有目中之市焉雖無奇瑰異物而抱所欲者各恣取以去求友亦若是耳公欲于此處求友顯露宮古栢

婆娑委地作虬龍形東便門外柰子花如錦幄可容
二十餘人晉陽菴中有唐鑄觀世音銅沙甯水筠道
士毬順城門守門老中官射亦不佞數十年內所得
友也公儻欲之便以相贈其持論蓋如此

珂雪齋集曰世之名位蓋前定焉柳公爲孝廉時
時大冢宰王公某爲子覓禮經師未得王公夫人
夜夢一人謂之曰公子師麻城梅孝廉也其人官
爵與堂上王公同頃之卽見孝廉坐堂上長髯而
鼻如拳竊以告王公王公明日往謁麻城劉大金

吾某曰公邑有梅孝廉否劉公曰有之不佞兒女
姻也王公卽托劉金吾延之後王公與公飲夫人
竊窺之長髯大鼻依然夢中人也主公後乃語梅
公以故公遜謝一日王公對賓寮言此事曰梅太
將來名位未易涯也少宰王公笑曰孝廉已非壯
年卽明年得第至八座亦須近三十年老矣時恐
不得待也次年公卽成進士爲縣令未滿十年爲
大中丞晉少司馬所贈官正與家宰同夢中之言
不其符乎梅公初無子近六十乃生子不殺之報

也

楚寶大將論次

稽古周官大司馬掌邦政統六師平邦國主于出征
大司馬親執桴鼓將中軍初未嘗改置軍將也其環
甲而聽命者卽前日比旅族黨之農士其乘麾而馭
衆者卽前日蒐獮講武之卿大夫上下相習耳目不
亂赴火蹈冰戰無不克豈獨其將能哉文武之途一
而戰守之法預斯稱佳兵矣故周宣用皇父督軍事
爲其祖南仲而位大師也晉文用郤穀佐中軍爲其
說禮樂而敦詩書也楚國之法破軍殺將者其官爲

上柱國封上爵執珪然皆以大司馬或令尹爲之故叔敖之孫蔞掩爲楚司馬子木使庇賦數甲兵而楚是以興楚惠王時將取陳麥門帥于大師子穀與葉公子高子穀曰右領差車與左史者皆相令尹以伐陳其可使也子高曰率賤民慢之懼不用命焉於是司馬寬帥師而滅陳洎乎後世班爵旣分文武臨戎又不擇帥或驍騎銳卒加以推轂之重或戚晚嬖人授以專閫之寄或口談兵而拜將或身負逆而統師是以緩帶行間圖要害五旗布陣不辨奇正况

復凶淫嗜殺貪懦鬻貨流血於野傷和致災而欲式
清區宇保我黎民其可得乎咎人謂百萬之衆不如
一賢良有慨於此耳豈待聞鼙鼓而後興思歌大風
而始知勸哉余故錄屈完以下爲大將其五十過
瑕瑜不相掩者悉次之爲名將云述大將第三凡二
卷

大將一

屈完

成得臣

公子嬰齊

蔣掩

沈尹戌

公子結

魯陽文子

景舍

莊蹻

項梁

梅鉞

季布

霍峻

向朗

大將二

柳元景

歐陽顥

許紹

陶弼

孟珙

余玠

趙葵

李庭芝

楚寶大將論次終